



Tus Nab Npawb Social Security rau Cov Neeg Tsis Yog Pej Xeem

Tug neeg tsis yog pej xeem puas yuav tsum muaj tus nab npawb Social Security (SSN)?

Feem ntau, tsuas yog cov neeg tsis yog pej xeem uas tau tso cai ua haujlwm hauv Tebchaws Meskas los ntawm Department of Homeland Security (DHS) thiab li tau txais SSN. Cov tswv haujlwm siv tus nab npawb SSN los qhia koj cov nyiaj hli rau tsoom fwm thiab txiav txim seb puas tsim nyog tau txais cov nyiaj Social Security. Koj yuav tsum muaj tus nab npawb SSN los ua haujlwm, tau txais cov nyiaj Social Security, thiab tau txais qee yam kev pab cuam ntawm tsoom fwm.

Cov neeg tsis yog pej xeem tab sis muaj ntaub ntawv tso cai tuaj tebchaws yeeb tseem txais tau qee yam pab cuam txawm hais tias koj tsis muaj SSN. Koj tsis tas yuav muaj SSN kom tau daim ntawv tsav tsheb, sau npe kawm ntawv, tau kev pov hwm kho mob ntiag tug, lossis thov cov kev pab cuam noj su hauv tsev kawm ntawv lossis cov tsev luam. Muaj ib txhia lub koom haum siv koj tus nab npawb SSN los txheeb xyuas koj hauv lawv cov ntaub ntawv. Txawm li cas los xij, feem ntau yuav txheeb xyuas koj los ntawm lwm txoj hauv kev yog tias koj thov.

Txawm hais tias ntau lub tuam txhab, xws li cov tsev txhab nyiaj thiab cov tuam txhab qiv nyiaj, yuav thov koj tus nab npawb SSN, feem ntau koj tsis tas yuav muab ib tus yog tias koj tsis muaj. Koj tseem txais tau ntau yam kev pab cuam tsis tas yuav muaj tus nab npawb SSN, ib yam li daim ntawv tsav tsheb.

Kuv yuav ua li cas thiab tau txais tus nab npawb SSN thiab daim npav SSN?

Yog koj tsis yog pej xeem Asmeskas, koj thov tau daim npav SSN:

- Hauv koj lub tebchaws ua ntej tuaj rau Tebchaws Meskas thaum koj xa daim ntawv thov visa mus txawv teb chaws nrog U.S. Department of State. Feem ntau, yog tias koj thov SSN nrog koj daim ntawv thov visa mus txawv teb chaws, koj tsis tas yuav mus ntsib chaw Social Security hauv Tebchaws Meskas. Koj daim npav SSN yuav raug xa mus rau qhov chaw nyob uas koj muab rau hauv koj daim ntawv thov visa mus txawv teb chaws. Yog xav paub ntxiv mus saib www.ssa.gov/ssnvisa/.

- Yog tias koj nyob hauv Tebchaws Meskas raws li txoj cai thiab thov daim ntawv tso cai ua haujlwm lossis daim ntawv nyob mus tas li los ntawm DHS, US Citizenship and Immigration Services (USCIS). Qhov no tuaj yeem ua tiav ntawm daim ntawv thov USCIS tib yam daim ntawv Form I-765 (Application for Employment Authorization) lossis ntawm daim ntawv Form I-485 (Application to Register Permanent Residence or Adjust Status). Yog tias koj tab tom thov daim ntawv pej xeem Meskas, koj tuaj yeem thov daim npav hloov pauv siv Daim Ntawv Form N-400 (Application for Naturalization). Yog xav paub ntxiv, mus saib www.ssa.gov/ssnvisa/ebe.html.

- Thov hu rau peb yog tias koj tsis tau txais koj daim npav SSN nyob rau hauv 14 hnub tom qab tau txais koj daim EAD, "Green Card" lossis Daim Ntawv Certificate of Naturalization. USCIS sau cov ntaub ntawv rau Social Security los ua daim npav SSN. Nws yog ib qho tseem ceeb uas koj muab tag nrho cov ntaub ntawv uas tau thov rau ntawm daim ntawv. Peb yuav tsis tuaj yeem ua tiav koj daim ntawv thov daim npav SSN yog tias peb tsis tau txais cov ntaub ntawv tsim nyog. Txawm hais tias qee cov ntaub ntawv tsis tas yuav tsum muaj rau ua

cov ntaub ntawv mus txawv teb chaws, peb siv lub npe, hnub yug, yus niam yus txiv lub npe, lub tebchaws koj yug, poj niam txiv neej (piv txwv li, txiv neej/poj niam) los ua daim npav SSN.

Kuv yuav ua li cas yog thov tsis tau raws li cov lus hais tas ua ntej no?

Yog tias koj ua tsis tau lossis xaiv tsis thov SSN siv ib txoj kev saum toj no, peb xav kom koj tos 10 hnub tom qab tuaj txog Tebchaws Meskas kom thov SSN. Qhov no yuav ua rau nws yooj yim dua rau peb los txheeb xyuas koj cov ntaub ntawv DHS hauv online. Qhov no kuj tseem yuav ua kom koj daim ntawv thov SSN mus sai dua.

- Yog tias koj nyob hauv Tebchaws Meskas raws li txoj cai, koj yuav tsum pib koj daim ntawv thov online los ntawm kev mus saib peb nplooj ntawv Request a Social Security Number thawj zaug ntawm www.ssa.gov/number-card/request-number-first-time. Yuav kom ua tiav cov txheeb txheem, koj yuav tsum mus ntsib koj lub chaw ua haujlwm Social Security hauv zos lossis Card Center nrog rau cov ntaub ntawv nyob rau hauv 45 hnub tom qab pib ua cov txheeb txheem. Tej zaum koj yuav teem tau sijhawm mus ntsib chaw ua haujlwm Social Security hauv zos. Yog tias koj tsis tuaj yeem teem sijhawm rau koj tus kheej, thov hu xov tooj los teem sijhawm ua ntej mus ntsib. Saib hauv qab no rau yam koj yuav tsum nqa mus rau chaw ua haujlwm Social Security.

- Yog tias koj tsis tuaj yeem pib daim ntawv thov online, koj yuav tsum ua kom tiav daim ntawv Application for a Social Security Card (Form SSA-5) uas muaj nyob ntawm www.ssa.gov/forms/ss-5.pdf. Yuav kom ua tiav cov txheeb txheem, koj yuav tsum hu xov tooj mus teem sijhawm mus ntsib koj lub chaw ua haujlwm Social Security hauv zej zog lossis Card Center nrog cov ntaub ntawv xav tau.

- Koj yuav tsum hu rau peb ntawm 1-800-772-1213 (TTY 1-800-325-0778), kom teem caij rau koj mus ntsib. Ib tug neeg ua haujlwm ntawm peb yuav teb koj lub xov tooj txij 8 teev sawv ntxov txog 7 teev tsaus ntuj, hnub Monday txog hnub Friday.

Peb yuav xa koj daim npav SSN sai li sai tau thaum peb tau txais tag nrho koj cov ntaub ntawv thiab tau txheeb xyuas koj cov ntaub ntawv nrog cov chaw ua haujlwm muab daim ntawv no.

Kuv yuav nqa dab tsi mus rau Social Security?

Koj yuav tsum ua pov thawj qhia tias koj yog leej twg thiab koj tau tso cai los ua haujlwm txawv tebchaws.

Yuav kom ua pov thawj tau tias koj yog leej twg thiab koj tau tso cai ua haujlwm txawv teb chaws, koj yuav tsum qhia peb txog koj cov ntaub ntawv mus txawv tebchaws Meskas uas tsis tau tas sijhawm thiab koj daim ntawv passport hla txawv tebchaws uas tseem tsis tau tas sijhawm. Cov ntaub ntawv mus txawv teb chaws uas peb txais tau yog cov ntawv hauv qab no:

- Form I-551 (Lawful Permanent Resident Card, Machine-Readable Immigrant Visa).

- Form I-94 (Arrival/Departure Record).
- Form I-766 (Employment Authorization Document/EAD).
- Daim ntawv pov thawj uas qhia txog kev tso cai ua haujlwm.

Cov Neeg Tuaj Xyuas Sib Pauv (Exchange visitors): Yog tias koj yog tus neeg tuaj xyuas sib pauv J-1 lossis J-2, peb yuav tsum pom koj daim ntawv DS-2019, daim ntawv Certificate of Eligibility for Exchange Visitor Status lossis EAD. Yog tias koj yog ib tus tub ntxhais kawm J-1, tus tub ntxhais kawm xyaum ua haujlwm, lossis tus neeg tuaj xyuas thoob ntiaj teb, koj yuav tsum muab ib tsab ntawv los ntawm koj tus neeg txhawv nqa sponsor. Tsab ntawv yuav tsum nyob rau ntawm daim ntawv sau thiab muaj tus thawj uas tso cai rau koj ua haujlwm lub npe kos rau daim ntawv.

Cov Tub Ntxhais Kawm Thoob Ntiaj Teb (International students): Yog tias koj yog tub ntxhais kawm F-1 los sis M-1, peb yuav tsum pom koj daim ntawv F-20, Certificate of Eligibility for Nonimmigrant Student Status lossis Designated School Official (DSO). Yog xav paub ntxiv txog lwm cov ntaub ntawv uas koj yuav tsum muab, mus nyeem International Students and Social Security Numbers (Publication No. 05-10181).

Koj yuav tsum ua pov thawj koj lub hnub nyoog.

Koj yuav tsum muab koj daim ntawv pov thawj yug txawv teb chaws qhia yog tias koj muaj los sis koj tuaj yeem tau txais nyob hauv 10 hnub ua haujlwm. Yog tias tsis muaj, peb tuaj yeem xav txog lwm cov ntaub ntawv, xws li koj daim ntawv hla tebchaws uas tsis tau tas sijhawm los sis daim ntawv uas DHS muab, ua pov thawj ntawm koj lub hnub nyoog.

Tseem Ceeb: Txhua daim ntawv yuav tsum yog thawj daim ntawv lossis daim ntawv theej uas lub koom haum muab ntawv pov thawj. Peb txais tsis tau cov ntawv theej los sis cov ntawv theej uas muaj neeg pov thawj. Peb kuj tsis tuaj yeem txais daim ntawv txais nyiaj uas qhia tias koj tau thov daim ntawv.

Peb siv tau ib daim ntawv rau ob lub hom phiaj. Piv txwv li, peb siv tau koj daim DHS EAD ua pov thawj ntawm koj tus kheej thiab koj txoj cai mus txawv tebchaws ua haujlwm. Koj daim ntawv pov thawj yug lossis daim ntawv hla Tebchaws yuav ua pov thawj rau koj hnub nyoog. **Txawm li cas los xij, koj yuav tsum muab tsawg kawg yog 2 daim ntaub ntawv.**

Daim ntawv SSN thiab daim npav raug nqi li cas?

Kev thov daim ntawv SSN thiab daim npav yog ua dawb xwb.

Yog tias kuv xav tau SSN vim lwm yam tsis yog vim kuv ua haujlwm?

Tej zaum DHS yuav tsis tau tso cai rau koj ua haujlwm hauv Tebchaws Meskas. Yog tsis tau, koj tsuas tuaj yeem tau txais SSN yog tias koj tuaj yeem ua pov thawj tias koj xav tau nws rau qhov laj thawj tsis yog ua haujlwm.

Cov kev pab cuam ntawm tsoom fwm: Yog tias koj tsis muaj kev tso cai ua haujlwm, koj tsuas yog thov tau SSN yog tias ib qho ntawm cov hauv qab no siv tau:

- Koj xav tau tus SSN kom ua tau raws li txoj cai lij choj los sis kev cai lij choj ntawm tsoom fwm uas yuav tsum tau kom koj muaj ib tus SSN kom tau txais kev pab nyiaj txiag los ntawm tsoom fwm. Qhov no siv rau koj tau txawm tias koj nyob hauv los sis sab nraud Tebchaws Meskas.
- Koj xav tau tus SSN kom ua tau raws li lub xeev los yog txoj cai hauv zos uas yuav tsum tau koj muaj ib tug SSN thiaj li tau txais kev pab los ntawm pej xeev cov txiaj ntsig. Qhov no siv tau yog tias koj nyob hauv Tebchaws Meskas raws li txoj cai.

Cov neeg thov daim ntawv SSN uas tsis yog ua haujlwm yuav tsum muaj ntawv pov thawj ntawm tus kheej, kev ua pej xeev, thiab hnub nyoog. Cov piv txwv ntawm cov ntaub ntawv tau teev rau hauv qab no:

Pov thawj ntawm tus kheej thiab hnub nyoog

- Form I-94 (Arrival-Departure Record).
- Form I-862 (Notice to Appear).
- Form I-385 (Alien Booking Record).
- Office on Trafficking in Persons (OTIP) Certification Letter,
- Office of Refugee Resettlement (ORR) Certification Letter.

Tsuas yog ua pov thawj ntawm tus kheej xwb

- Form I-220A (Order of Release on Recognizance).
- LUS CEEV:** Form I-220A (Order of Release on Recognizance) siv tsis tau los ua pov thawj hnub nyoog rau Social Security vim daim ntawv no tsis ua raws li cov cai nyob rau hauv Social Security.

Yog koj xav tau tus SSN kom ua tau raws li cov cai rau tsoom fwm cov nyiaj pab, koj yuav tsum muab cov ntaub ntawv pov thawj uas lees paub txog koj tus kheej, hnub nyoog, thiab kev ua pej xeev. Koj yuav tsum nqa ib tsab ntawv los ntawm lub koom haum tsoom fwm uas muab cov nyiaj pab. Nws yuav tsum muaj nyob rau ntawm cov ntawv sau (tsis txhob muaj cov ntawv los sis cov ntawv luam) thiab:

- Qhia meej txog koj ua tus neeg thov.
- Qhia meej txog qhov laj thawj uas tsis yog kev ua haujlwm uas xav tau SSN.
- Qhia txoj cai lij choj tws uas yuav tsum tau koj muaj tus lej SSN.
- Qhia tias koj ua tau raws li txhua yam uas lub koom haum xav tau, tshwj tsis yog koj muaj SSN xwb.
- Muaj lub koom haum npe, kos npe, thiab xov tooj ntawm lub koom haum.

Koj puas toob kas tus SSN rau kev them se?

Yog tias koj tsis tau tso cai ua haujlwm hauv Tebchaws Meskas, tej zaum koj yuav tsis tas yuav muaj tus SSN rau kev them se. Koj tuaj yeem thov tus lej Individual Taxpayer Identification Number ntawm Internal Revenue Service (IRS). Mus ntsib IRS ntawm tus kheej, lossis hu rau IRS tus xov tooj hu dawb, 1-800-TAXFORM (1-800-829-3676), thiab thov daim ntawv Form W-7, Application for IRS Individual Taxpayer Identification Number.

Ib lub lag luam los sis ib lub koom haum tsoom fwm yuav nug koj tus SSN. Yog tias koj tsis tau tso cai ua haujlwm hauv Tebchaws Meskas, nug seb lawv puas tuaj yeem txheeb xyuas koj hauv lwm txoj kev. Feem ntau, koj yuav tau txais kev pab cuam los sis daim ntawv tso cai uas koj xav tau yam tsis muaj SSN.

Yog koj tau txais tus SSN rau cov hom phiaj uas tsis yog ua haujlwm, koj siv tsis tau mus ua haujlwm.



Securing today
and tomorrow

Social Security Administration
Publication No. 05-10096
December 2024 (Recycle prior editions)
Social Security Numbers for Noncitizens
Produced and published at U.S. taxpayer expense